

1245/do - 947.

BOSNA I HERCEGOVINA  
FEDERACIJA BOSNE I HERCEGOVINE  
GRAD ZENICA  
ZENIČKO – DOBOJSKI KANTON  
Služba za ekologiju, komunalne i inspeksijske poslove

Broj: 09-45-15883/20  
Zenica, 19.08.2020. godine

Azra,  
Z. GV. /  
M. H.  
Jasanka H.  
21.08.20.

## STRUČNA SLUŽBA GRADSKOG VIJEĆA

**PREDMET: Izvještaj o realizaciji projekata izgradnje, rekonstrukcije i održavanja cestovne infrastrukture za 2019. godinu**

Programom rada Gradskog vijeća Zenica za period od 01.07.2020. do 31.12.2020. godine predviđeno je razmatranje Izvještaja o realizaciji projekata izgradnje, rekonstrukcije i održavanja cestovne infrastrukture za 2019. godinu-Rok august 2020. godine.

U skladu sa navedenim, u prilogu dostavljamo navedeni Izvještaj.

Izvještaj proslijeđujemo i elektronski na e-mail adresu: [azra.hajdarevic@zenica.ba](mailto:azra.hajdarevic@zenica.ba).

S poštovanjem!

### DOSTAVLJENO:

1 x Naslovu  
1 x a/a

*Jenica*



POMOĆNIK GRADONAČELNIKA

*Sabira Helvića*  
Sabira Helvića, dipl.inž.građ

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
GRAD ZENICA

OBRADIVAČ: Služba za ekologiju, komunalne i  
inspekcijske poslove

IZVJEŠTAJ O REALIZACIJI PROJEKATA IZGRADNJE,  
REKONSTRUKCIJE I ODRŽAVANJA CESTOVNE  
INFRASTRUKTURE ZA 2019.GODINU

ZENICA, august 2020. godine

## I UVOD

U cilju realizacije obaveza Službe za ekologiju, komunalne i inspekcijske poslove utvrđenih Programom rada Gradskog vijeća Zenica za period 01.07. do 31.12.2020.godine sačinjen je Izvještaj o realizaciji projekata izgradnje, rekonstrukcije i održavanja cestovne infrastrukture za 2019.godinu.

Izvještajem su obuhvaćene aktivnosti na lokalnim i nerazvrstanim cestama, kao i gradskim ulicama Grada Zenica, koje obuhvataju ukupno 403,6 km cestovne mreže. Lokalne i nerazvrstane ceste obuhvataju dužinu od 287,87 km, a gradske ulice 115,73 km.

Na ime realizacije projekata izgradnje, rekonstrukcije i održavanja cestovne infrastrukture u 2019.godini utrošena su finansijska sredstva u ukupnom iznosu od 3.668.176,65 KM, a prema izvorima finansiranja kako slijedi:

a) Grad Zenica	3.068.781,23 KM
b) Fond za zaštitu okoliša FBiH	311.043,90 KM
c) JU "Dom zdravlja" Zenica	228.351,52 KM
d) Eko renta	60.000,00 KM

Imajući u vidu da je održavanje cesta, uključujući redovno, vanredno i zimsko održavanje, detaljno obrađeno u Izvještaju o radu Gradonačelnika i gradske uprave u 2019.godini, čije razmatranje je predviđeno Programom rada Gradskog vijeća, ovim Izvještajem akcenat je dat na realizaciju projekata rekonstrukcije i investicionog održavanja lokalnih i nerazvrstanih cesta i gradskih ulica.

## II REKONSTRUKCIJA I INVESTICIONO ODRŽAVANJE CESTOVNE MREŽE

U 2019. godini, Budžetom Grada Zenica, za rekonstrukciju i investiciono održavanje cestovne mreže bilo je raspoloživo 3.000.000,00 KM. Rekonstrukcija i investiciono održavanje cestovne mreže podrazumijeva aktivnosti na rekonstrukciji ulica, cesta i pripadajućih objekata odvodnje, izgradnji potpornih zidova, vanjskom uređenju oko objekata, sanaciji saobraćajnica, sanaciji klizišta koja ugrožavaju cestovnu infrastrukturu i dr. Za realizaciju projekata neophodno je provođenje tenderske procedure, zatim praćenje realizacije izvođenja radova (terenski obilasci, kontakti sa nadzornim organom i izvođačem radova, a po potrebi i kontakti sa projektantom i predstavnicima MZ), korespondencija vezano za okončanje realizacije ugovora, kontrola i ovjera situacija te drugi poslovi.

Dio sredstava planiranih za poslove na rekonstrukciji i investicionom održavanju cestovne mreže u 2019. godini odnosio se na ugovore o izvođenju radova zaključene u 2018. godini, čija realizacija je u cijelosti ili djelimično prolongirana za 2019. godinu zbog procedura javne nabavke, vremenskih uslova nepovoljnih za rad u ovoj oblasti, kao i kašnjenja izvođača radova, a isti su prikazani u Tabeli broj 1.

Realizacija ugovora zaključenih u 2019. godini prikazana je u Tabeli broj 2, dok su u Tabeli broj 3 prikazani ugovori koji su (su)finansirani od strane Fonda za zaštitu okoliša FBiH.

U narednoj tabeli su prikazani ugovori zaključeni u 2018. godini, a čija realizacija je djelimično ili u cjelosti bila u 2019. godini:

*Tabela broj 1*


Red. Br.	PREDMET UGOVORA	VRIJEDNOST UGOVORA (SA PDV)	REALIZACIJA U 2019. G. (SA PDV)	STATUS PROJEKTA:
1	Rekonstrukcija dijela puta za Dobriljeno	169.123,50	73.158,41	Realizovan
2	Rekonstrukcija puta za Smajiće do ulaza u selo Gornji Smajići	92.664,00	66.611,04	Realizovan
3	Sanacija ulice Lisačka, naselje Tetovo	64.864,80	64.864,80	Realizovan
4	Uređenje gradskog trga Radakovo	196.740,99	113.222,46	Realizovan
5	Rekonstrukcija ulice Gnjusanski put	165.145,50	94.931,58	Realizovan
6	Rekonstrukcija ulice 9. maj	146.004,30	28.973,02	Realizovan
7	Vanjsko uređenje ispred objekta Dom Zdravlja Zenica	414.466,81	140.862,64	Realizovan
8	Sanacija dijela puta u Vardištu od br.58 do br.96	19.731,46	15.669,71	Realizovan
9	Rekonstrukcija puta za selo Pepelari	265.356,00	220.899,94	Realizovan
10	Rekonstrukcija puta Donje Vražale - Gornje Vražale	96.033,60	50.641,25	Realizovan
11	Sanacija i asfaltiranje Lašvanske ulice	17.022,91	17.021,04	Realizovan
12	Potporni zid sa pripadajućim dijelom saobraćajnice MZ Palinovići	22.850,00	21.840,54	Realizovan
13	Rekonstrukcije ul. Visočka od br. 1 do br. 21	108.889,56	100.482,30	Realizovan
14	Sanacija dijela puta sa izgradnjom potpornog zida u naselju Ješće MZ Starina	33.345,00	31.920,01	Realizovan
15	Izgradnja pješačke staze od prvog propusta lokalne ceste Perin Han do skretanja za selo Palinoviće	330.474,91	0,00	Nije realizovan
			Σ=1.041.098,74	

U toku 2019. godine je na realizaciju ugovora iz 2018. godine ukupno utošeno 1.041.098,74 KM sa PDV-om .

U nastavku je data fotodokumentacija prethodno navedenih projekata u Tabeli broj 1, sa kratkim opisom istih.

#### *1. Rekonstrukcija dijela puta za Dobriljeno*

U avgustu 2019. godine izvršeno je asfaltiranje prve dionice puta za Mjesnu zajednicu Dobriljeno. Radi se o dužini od oko 550 metara, širine 4,5 metra, gdje su izvršena i proširenja u krivinama. Izvođač radova je preduzeća “Komgrad-Ze” d.o.o. Zenica.



*Rekonstrukcija dijela puta za Dobriljeno*

#### *2. Rekonstrukcija puta za Smajiće do ulaza u selo Gornji Smajići*

Radi se o izrazito složenom projektu kroz samo selo, gdje je složena konfiguracija terena zahtjevala izradu armirano – betonskih potpornih građevina, zidova, a u jednom periodu radovi su bili prekidani zbog oštećenja patosnica i potpatosnica drvenog mosta preko Bistričke rijeke koji je također saniran. Asfaltirano je ukupno 325 metara puta, a radove je izvodilo preduzeće “Špic beton” d.o.o. Zenica.



*Rekonstrukcija puta za Smajiće do ulaza u selo Gornji Smajići*

### *3. Sanacija ulice Lisačka, naselje Tetovo*

Nakon pripremljenih radova u Ulici Lisačka, koja se nalazi u mjesnoj zajednici Tetovo, u okviru kojih je javno preduzeće Vodovod i kanalizacija izvršio postavljanje nove kanalizacione mreže i na koju je priključeno pedesetak kuća, izvršeno je asfaltiranje oko 650 m (glavna ulica i 5 krakova). Radove je izvodilo preduzeće "Komgrad-Ze" d.o.o. Zenica.



*Sanacija ulice Lisačka, naselje Tetovo*

### *4. Uređenje gradskog trga Radakovo*


Gradski Trg Radakovo nalazi se u naselju Radakovo u Zenici, okružen stambenim zgradama R3 i poslovnim prostorima koji se nalaze u neposrednoj blizini glavne saobraćajnice. Ukupna površina trga iznosi cca 3383 m<sup>2</sup>. Shodno potpisanom Ugovoru sa preduzećem „Komgrad-Ze“ d.o.o Zenica izvršeni su radovi na popločanju trga Radakovo površine 3383,16 m<sup>2</sup> betonskim pločama sa svim potrebnim predradnjama, sanirana hidroizolacija, izvršeno osvjetljenje pasaža i dr. Projektnu dokumentaciju na zahtjev Službe za ekologiju, komunalne i inspeksijske poslove uradilo je JP "Zenica" d.o.o. Zenica.



*Trg Radakovo*

### *5. Rekonstrukcija ulice Gnjusanski put*

U toku 2019. godine, započelo je asfaltiranje dijela ulice Gnjusanski put po Ugovoru iz 2018. i po Ugovoru iz 2019. godine. Radove na rekonstrukciji ove ulice izvodilo je preduzeće „Špic beton“ d.o.o. Zenica. Prema ugovoru iz 2018. godine asfaltirano je oko 390 m puta (dok je prema ugovoru iz 2019. godine asfaltirano 358 m puta).



*Rekonstrukcija ulice Gnjusanski put*

### *6. Rekonstrukcija ulice 9. Maj*

U 2019. godini završeni su radovi na rekonstrukciji Ulice 9. maj u naselju Hamida. U navedenoj ulici izvršena je i rekonstrukcija vodovodne mreže, kanalizacije i oborinskih voda. Izvođač radova je preduzeće “Komgrad – ZE” d.o.o. Zenica, a asfaltirano je 360 metara puta.



*Rekonstrukcija ulice 9. Maj*

#### *7. Vanjsko uređenje ispred objekta JU "Dom Zdravlja" Zenica*

Vanjsko uređenje ispred objekta JU „Dom Zdravlja“ Zenica realizovalo se na način da JU "Dom zdravlja" Zenica obezbjeđuje 60% ili 248.680,00 KM a Grad Zenica 40% ili 165.786,72 KM. U 2019. godini realizovano je, u finansijskom smislu, 369.214,16 KM od čega je Javna ustanova obezbijedila 228.351,52 KM a Grad Zenica 140.862,64 KM (u Tabeli broj 1 prikazana je samo vrijednost koju je obezbijedio Grad Zenica).

Cilj projekta bio je da se nakon dužeg niza godina riješe problemi na pristupnom putu ovoj zdravstvenoj ustanovi i da se urede podzemne instalacije. Projektom su obuhvaćeni vanjsko uređenje platoa, asfaltiranje, uređenje odvodnje oborinskih voda, kao i sanacija podzemnih instalacija javnih preduzeća "Vodovod i kanalizacija" i "Grijanje". Izvođač radova bilo je preduzeće "Špic beton" d.o.o. U okviru ovog projekta izgrađena je i alternativna saobraćajnica između zgrade Službe hitne medicinske pomoći i Masarykove ulice.



*Vanjsko uređenje ispred objekta JU „Dom Zdravlja“ Zenica*

#### *8. Sanacija dijela puta u Vardištu od br. 58 do br. 96*

Sanaciji je prethodila rekonstrukcija cjevovoda duž asfaltnog kolovoza uslijed čega je došlo do mrežastih pukotina, većih udarnih rupa i denivelacije zastora zbog slijeganja vodovodnih rovova koji su ranije rađeni. U sklopu projekta sanacije dijela puta izvedeni su radovi mašinskog skidanja postojećeg asfaltnog zastora i betonskih obloga sa dijelom dotrajalog tamponskog sloja, nasipanje tamponskog materijala te izrada asfaltnog sloja u dužini 205 metara.



*Sanacija dijela puta u Vardištu*

#### *9. Rekonstrukcija puta za naselje Pepelari*

Radove na rekonstrukciji puta za naselje Pepelari vršilo je preduzeće “Komgrad – Ze” d.o.o. Zenica. Ukupno je asfaltiran put u dužini od 1200 metara.



*Rekonstrukcija lokalnog puta za selo Pepelari*

#### *10. Rekonstrukcija puta Donje Vražale – Gornje Vražale*

Kako je i predviđeno projektnom dokumentacijom, urađeno je proširenje već postojećeg puta, a izvršeno je i zasjecanje strme škarpe i izgradnja potpornih zidova. Postavljeni su ivičnjaci i položena drenaža, a u konačnici je asfaltirano 284 m puta. Radove je izvodilo preduzeće “Komgrad – Ze” d.o.o. Zenica.



*Rekonstrukcija puta Donje Vražale – Gornje Vražale*

### *11. Sanacija i asfaltiranje Lašvanske ulice*

Lašvanska ulice u Mjesnoj zajednici Drivuša je asfaltirana u dužini od 180 metara, nakon što je više od 20 godina bila makadamska. Za izvođenje radova zaduženo je preduzeće „Komgrad-Ze” Zenica.



*Lašvanska ulice u Mjesnoj zajednici Drivuša*

### *12. Potporni zid sa pripadajućim dijelom saobraćajnice u MZ Palinovići*

Predmet ugovora je izgradnja potpornog zida i sanacija dijela saobraćajnice u Mjesnoj zajednici Palinovići. Izvođač radova je preduzeće „Špic beton” d.o.o. Zenica.

### *13. Rekonstrukcije ul. Visočka od br. 1 do br. 21*

Projektom je predviđena rekonstrukcija i asfaltiranje makadamskog dijela Visočke ulice u dužini od 560 metara sa rješavanjem oborinske kanalizacije. Izvođač radova je preduzeće „Komgrad-Ze“, d.o.o. Zenica.



*Rekonstrukcije ul. Visočka*

#### *14. Sanacija dijela puta sa izgradnjom potpornog zida u naselju Ješće*

Predmet ugovora je sanacija dijela puta sa izgradnjom potpornog zida u naselju Ješće u Mjesnoj zajednici Starina. Dužina izgrađenog potpornog zida je 40 m, a sanirano je ukupno 120 m saobraćajnice.



*Sanacija dijela puta sa izgradnjom potpornog zida u naselju Ješće*

#### *15. Izgradnja pješačke staze od prvog propusta lokalne ceste Perin Han do skretanja za selo Palinoviće*

Radovi na izgradnji pješačke staze od prvog propusta lokalne ceste Perin Han do skretanja za selo Palinoviće su uslovljeni implementacijom projekta “Plava voda” iz razloga što je planirano izvođenje radova na istoj dionici, a budući da su radovi na implementaciji projekta “Plava voda” započeli krajem 2019. godine, nisu se stekli uvjeti za uvođenje Izvođača radova u posao ni u 2019. godini.

Po osnovu kašnjenja u izvođenju radova, po pojedinim ugovorima iz 2018. godine, primijenjena je ugovorna kazna, odnosno obračunati su penali shodno broju dana kašnjenja. U ukupnom iznosu, obračunati penali po ugovorima iz 2018. godine iznose 35.171,97 KM, a odnose se na sljedeće ugovore:

- Rekonstrukcija dijela puta za Dobriljeno;
- Rekonstrukcija puta za Smajiće do ulaza u selo Gornji Smajići;
- Rekonstrukcija ulice Gnjusanski put;
- Rekonstrukcija ulice 9. maj;
- Uređenje i sanacija gradskog trga Radakovo;
- Rekonstrukcija puta Donje Vražale - Gornje Vražale;
- Potporni zid sa pripadajućim dijelom saobraćajnice MZ Palinovići
- Sanacija dijela puta sa izgradnjom potpornog zida u naselju Ješće MZ Starina

U Tabeli broj 2 dat je pregled ugovora iz 2019. godine:

*Tabela broj 2*

Red. Br.	PREDMET UGOVORA	VRIJEDNOST UGOVORA (SA PDV)	REALIZACIJA UGOVORA U 2019. GODINI (SA PDV)	STATUS PROJEKTA U 2019. GODINI
1	Sanacija mosta za naselje Talami	12.993,83	12.438,54	Realizovan
2	Izgradnja potpornog zida u ul. Hadžije Mazića put MZ Klopče	21.834,21	21.755,75	Realizovan
3	Rekonstrukcija puta Seoci - Živkovići prema glavnom projektu puta za sela Zahići i Živkovići	177.485,38	174.148,05	Realizovan
4	Rekonstrukcij puta za Pepelare u dužini od 991, 31 metara	228.333,69	228.333,69	Realizovan
5	Sanacija i asfaltiranje dijela Lisačke ulice sa pripadajućim priključnim kracima	12.921,29	11.739,04	Realizovan
6	Sanacija ulice u naselju Šljivik , MZ Gornje Crkvice	57.932,55	57.929,76	Realizovan
7	Sanacija i asfaltiranje puta Borovi-Stupovi, MZ Arnauti	56.123,73	56.123,69	Realizovan
8	Sanacija i asfaltiranje nekategorisanog puta za selo Žičara u dužini 645 metara	71.351,28	71.337,24	Realizovan
9	Sanacija i asfaltiranje dijela ulice Doglodska u dužini 250 m, MZ Nemila	36.664,29	36.664,14	Realizovan
10	Asfaltiranje puta kroz naselje Stara Stanica u dužini 780 m, MZ Nemila	78.599,43	78.598,74	Realizovan
11	Sanacija i asfaltiranje makadamskog puta prema naselju Kahrimani	50.405,96	50.395,20	Realizovan
12	Rekonstrukcija puta kroz Gornje Smajiće na dužini 230 metara	100.838,79	96.528,45	Realizovan
13	Asfaltiranje kraka ulice Bistua Nuova od br. 329 do raskrsnice u Mutnici	52.936,87	52.936,80	Realizovan
14	Rekonstrukcija puta za naselje Dobriljeno u dužini 540 metara	152.577,71	152.500,04	Realizovan
15	Rekonstrukcija ulice Gnjusanski put sa izgradnjom potpornih zidova MZ Raspotočje	92.254,51	92.254,51	Realizovan

16	Sanacija ulice Klopački put u dužini 250m sa rješavanjem odvodnje	34.783,51	34.783,51	Realizovan
17	Sanacija klizišta na putu Rebrovac - Vrselje	63.210,05	63.210,05	Realizovan
18	Sanacija saobraćajnice sa izgradnjom potpornog zida u Orah. rijeci MZ Orahovica	92.042,22	89.052,81	Realizovan
19	Sanacija makadamskog puta kroz selo Plahoviće u dužini 500m MZ D. Gračanica	100.374,30	100.310,89	Realizovan
20	Sanacija i asfaltiranje dionice puta od Društvenog doma do skretanja za regionalnu deponiju "Mošćanica" u MZ Mošćanica	139.232,61	79.232,61	Realizovan
21	Sanacija i asfaltiranje betonskog puta za selo Drugavci i izgradnja prilaza mjesnoj džamiji	92.999,85	74.821,55	Realizovan
22	Polaganja gasovoda - nabavka polietilenskih cijevi za gas	175.194,89	175.194,89	Realizovan
23	Rekonstrukcija puta za selo Biškoviće u dužini 550 metara	100.732,90	40.321,04	Nije završen u 2019. god.
24	Rekonstrukcija ulice Bilimišće	289.006,03	82.454,45	Nije završen u 2019. god.
25	Rekonstrukcija puta Donje Vražale-Gornje Vražale u dužini 284 m	104.926,77	0,00	Nije završen u 2019. god.
26	Sanacija i asfaltiranje puta za G.Krivače	93.477,10	0,00	Nije završen u 2019. god.
27	Sanacija i asfaltiranje saobraćajnice Podurijske, MZ Trgovišće	41.535,00	0,00	Nije završen u 2019. god.
28	Asfaltiranje dionice puta Seoci - Osredak – Gradina	80.145,00	0,00	Nije završen u 2019. god.
29	Izgradnja Plavog puta - spoj Hitne pomoći sa Bulevarom Kulina bana	46.789,26	0,00	Nije završen u 2019. god.
			<b>Σ=1.933.065,53</b>	


Na ugovore koji su zaključeni u 2019. godini ukupno je utrošeno 1.933.065,53 KM sa PDV-om.

U nastavku je data fotodokumentacija projekata navedenih u Tabeli broj 2 sa kratkim opisom istih.

### *1. Sanacija mosta za naselje Talami*

Projekat je obuhvatio demontažu dotrajale drvene građe sa mosta, antikorozivnu zaštitu nosača, sanaciju obalnih stubova mosta betoniranjem, izradu AB ploče mosta sa presvlačenjem asfalt betonom AB 11 i ugradnju zaštitne ograde mosta.

Most predstavlja važnu komunikaciju za jedan dio naselja Talami, a od 2018. godine bio je zatvoren iz bezbjednosnih razloga. Sanacijom mosta su poboljšani uslovi života građana Talama, a ujedno će i preduzeće ALBA imati mogućnost odvoza otpada.



*Sanacija mosta za naselje Talami*

### *2. Izgradnja potpornog zida u Ulici Hadžije Mazića put*

Predmet ugovora je izgradnja potpornog zida u Ulici Hadžije Mazića put u Mjesnoj zajednici Klopče, u dužini od 12 metara. Izvođač radova je „TKM“ d.o.o. Zenica.



*Izgradnja potpornog zida u ul. Hadžije Mazića put MZ Klopče*

3. *Rekonstrukcija puta Seoci - Živkovići prema glavnom projektu puta za sela Zahići i Živkovići*

Izvršeno je asfaltiranje puta u dužini od 800 m. Izvođač radova je preduzeće „TKM“ d.o.o. Zenica.



*Rekonstrukcija puta Seoci - Živkovići*

4. *Rekonstrukcija puta za Pepelare*


Izvršeni su radovi na rekonstrukciji puta za Pepelare u dužini od 991,31 m. Izvođač radova je „Komgrad-Ze“ d.o.o. Zenica.



*Rekonstrukcija puta za Pepelare*

#### *5. Dodatni radovi na sanaciji i asfaltiranju dijela Lisačke ulice sa pripadajućim kracima*

Predmet ugovora je izvođenje dodatnih radova na sanaciji i asfaltiranju dijela Lisačke ulice sa pripadajućim priključnim kracima. Asfaltirano je 85 metara glavne sabirne saobraćajnice i 50 m kraka ulice, u širini 3 m. Izvođač radova je „Komgrad-Ze“ d.o.o. Zenica



*Dodatni radovi na sanaciji i asfaltiranju dijela Lisačke ulice*

#### *6. Sanacija ulice u naselju Šljivik*

Ugovorom je predviđeno izvođenje radova na sanaciji ulice u naselju Šljivik u Mjesnoj zajednici Gornje Crkvice. Ukupno je asfaltirano 360 m ulice. Izvođač radova je „Špic beton“ d.o.o. Zenica.



*Sanacija ulice u naselju Šljivik*

### *7. Sanacija i asfaltiranje puta Borovi-Stupovi*

Ugovorom je predviđena sanacija i asfaltiranje puta Borovi-Stupovi u Mjesnoj zajednici Arnauti u ukupnoj dužini od 400 m. Izvođač radova je „Trgošped“ d.o.o. Zenica.



*Sanacija i asfaltiranje puta Borovi-Stupovi*

### *8. Sanacija i asfaltiranje puta za naselje Žičara*

Izvršeni su radovi na sanaciji i asfaltiranju puta za naselje Žičara u dužini od 645 metara. Izvođač radova je „Geo put“ d.o.o. Maglaj.



*Sanacija i asfaltiranje puta za naselje Žičara*

### *9. Sanacija i asfaltiranje dijela ulice Doglodska*

Asfaltirana je ulica Doglodska u Mjesnoj zajednici Nemila, neposredno uz nogometni stadion NK Nemila i Osnovnu školu "Ćamil Sijarić". Sanaciju Doglodske ulice u dužini 250 metara, nakon okončanog otvorenog postupka javne nabavke izvršilo je preduzeće "Komgrad – Ze" d.o.o.



*Sanacija i asfaltiranje dijela ulice Doglodska*

### *10. Asfaltiranje puta kroz naselje Stara stanica*

Ugovorom je predviđeno asfaltiranje puta kroz naselje Stara Stanica u Mjesnoj zajednici Nemila. Ukupno je asfaltirano 780 metara puta. Izvođač radova je "Komgrad-Ze" d.o.o. Zenica.



*Asfaltiranje puta kroz naselje Stara stanica*

### *11. Sanacija i asfaltiranje makadamskog puta prema naselju Kahrimani*


Predmet ugovora je izvođenje radova na sanaciji i asfaltiranju makadamskog puta prema naselju Kahrimani u ukupnoj dužini od 550 metara. Izvođač radova je "Geo put" d.o.o. Maglaj.



*Sanacija i asfaltiranje makadamskog puta prema naselju Kahrimani*

### *12. Rekonstrukcija puta kroz Gornje Smajiće*


Nakon što je u prvoj fazi asfaltirano 325 metara, prema ugovoru iz 2019. godine je asfaltirano još 230 metara puta. Izvođač radova je „Špic beton“ d.o.o. Zenica.



*Rekonstrukcija puta kroz Gornje Smajiće*

### *13. Asfaltiranje kraka ulice Bistua Nuova od br. 329 do raskrsnice u Mutnici*


Mutnica je dobila uređenu, asfaltiranu cestu, koja jednim krajem spaja naselje sa susjednim Perinim Hanom i drugim krajem sa Ulicom Bistua Nuova, glavnim putnim pravcem prema Zenici. Ukupno je asfaltirano oko 350 metara ulice. Izvođač radova je preduzeće „Dobojputevi“ d.d. Doboj Jug.



*Asfaltiranju kraka ulice Bistua Nuova od br. 329 do raskrsnice u*

### *14. Rekonstrukcija puta za naselje Dobriljeno*

Dioničko društvo „Dobojputevi“ – Doboj Jug, radilo je na asfaltiranju saobraćajnice u dužini od oko 540 metara u naselju Dobriljeno.



*Rekonstrukcijai puta za naselje Dobriljeno*

### *15. Rekonstrukcija ulice Gnjusanski put sa izgradnjom potpornih zidova*

Rekonstrukcija ulice Gnjusanski put realizovana je u dvije faze. Nakon što je u 2018. godini izgrađeno više potpornih zidova i prema ugovoru iz 2018. godine asfaltirano oko 390 m put, u 2019. godini je završena i druga faza u sklopu projekta rekonstrukcije i modernizacije ulice Gnjusanski put u Mjesnoj zajednici Raspotočje, polaganjem asfalta u dužini od preko 358 m. Radove je izvelo preduzeće "Špic beton" d.o.o. Zenica.



*Rekonstrukcija ulice Gnjusanski put sa izgradnjom potpornih zidova*

### *16. Sanacija ulice Klopački put sa rješavanjem odvodnje*

Ulica Klopački put u dužini 250 metara stavljena je u funkciju nakon što je urađena njena sanacija i riješen problem odvodnje. Radove je izvelo preduzeće "Trgošped" d.o.o. Kakanj.



*Sanacija ulice Klopački put sa rješavanjem odvodnje*

### *17. Sanacija klizišta na putu Rebrovac - Vrselje*

Predmet ugovora je izvođenje radova na sanaciji klizišta na putu Rebrovac-Vrselje u Mjesnoj zajednici Vrselje. Izvođač radova je preduzeće IGM-IUT Haskić d.o.o. Vitez.



*Sanacija klizišta na putu Rebrovac - Vrselje*

### *18. Sanacija saobraćajnice sa izgradnjom potpornog zida u Orahovičkoj rijeci*

U Mjesnoj zajednici Orahovica izvršena je izgradnja 113 metara potpornog zida u Orahovičkoj rijeci i sanirano je 120 metara puta. Izvođač radova je "TKM" d.o.o. Zenica.



*Sanacija saobraćajnice sa izgradnjom potpornog zida u Orahovičkoj rijeci*

### *19. Sanacija makadamskog puta kroz selo Plahoviće*

Nakon jednomjesečnih radova na pripremi terena i izgradnji odvodnje, izvršeno je asfaltiranje puta kroz selo Plahovići u mjesnoj zajednici Donja Gračanica. Dužina sanirane, a potom i asfaltirane dionice iznosi 500 metara. Nakon raspisanog javnog poziva, radove na rekonstrukciji puta u Plahovićima izvela je operativna preduzeća "Komgrad – Ze" d.o.o Zenica.



*Sanacija makadamskog puta kroz selo Plahoviće*

### *20. Sanacija i asfaltiranje dionice puta od Društvenog doma do skretanja za regionalnu deponiju "Mošćanica" u MZ Mošćanica*


Projekat sanacije i asfaltiranja dionice puta od Društvenog doma do raskrsnice za regionalnu deponiju u Mjesnoj zajednici Mošćanica uspješno je realizovan. Sanacijom je obuhvaćeno oko 800 metara teško oštećenog puta koji prolazi kroz Mjesnu zajednicu. U Tabeli broj 2 je navedena samo realizacija koja se odnosi na sredstva obezbijedena iz Budžeta Grada Zenica za 2019. godinu, dok su sredstva u iznosu od 60.000,00 KM obezbijedena iz eko rente (za sanaciju puta kroz naselje Mošćanica).



*Sanacija i asfaltiranje dionice puta od Društvenog doma do skretanja za regionalnu deponiju "Mošćanica"*

### *21. Sanacija i asfaltiranje betonskog puta za selo Drugavci i izgradnja prilaza mjesnoj džamiji*

U 2019. godini asfaltirano je 950 metara betonskog puta za Drugavce i 60 metara prilaza mjesnoj džamiji. Izvođač radova je "Ado-trans" d.o.o. Visoko.



*Sanacija i asfaltiranje betonskog puta za selo Drugavci*


### *22. Polaganja gasovoda - nabavka polietilenskih cijevi za gas*

U 2019. godini, u svrhu polaganja gasovoda, izvršena je nabavka polietilenskih cijevi za gas u vrijednosti od 175.194,89 KM. Projekat je realizovan putem Javnog preduzeća "ZENICAGAS" d.o.o. Zenica.

### *23. i 24. Ugovor o izvođenju radova na rekonstrukciji za selo Biškoviće i Rekonstrukcija ulice Bilimišće*

Realizacija projekata pod rednim brojem 23. i 24. iz Tabele broj 2 je započela u 2019. godini, međutim, zbog nepovoljnih vremenskih uslova krajem godine, radovi su obustavljeni do poboljšanja vremenskih uslova, a realizacija istih je samim time prolongirana za 2020. godinu.

Rekonstrukcija puta za Biškoviće pod rednim brojem 23 podrazumijeva asfaltiranje puta u dužini 550 metara, dok projekat pod rednim brojem 24. podrazumijeva rekonstrukciju dijela ulice Bilimišće u dužini od 392 metra + 51 metar kraka prema školskom objektu u ovom naselju, gdje je prvo potrebno izvesti radove na oborinskoj kanalizaciji, a tek nakon toga se izvode radovi na izgradnji pumpnog postrojenja i asfalterski radovi.



*Rekonstrukcija puta za selo Biškoviće u dužini 550 m*



*Rekonstrukcija ulice Bilmišće*

#### *25. Rekonstrukcija puta Donje Vražale- Gornje Vražale u dužini od 284 m*

Radovi na rekonstrukciji puta Donje Vražale-Gornje Vražale nisu mogli započeti odmah po potpisivanju ugovora, budući da je na dijelu puta predviđenom za rekonstrukciju bilo potrebno izvršiti i izgradnju nove fekalne kanalizacione mreže. Po okončanju radova na izgradnji fekalne kanalizacije Izvođač je pristupio izvođenju radova, a sama realizacija ugovora je prolongirana za 2020. godinu.

Za projekte pod rednim brojem od 26.-29. iz Tabele broj 2, ugovori su potpisani krajem 2019. godine, te zbog nepovoljnih vremenskih uslova nije bilo moguće iste realizovati u toku godine,

već je realizacija isti prolongirana za 2020. godinu, odnosno do poboljšanja vremenskih uslova koji su neophodni za izvođenje predmetnih radova.

Po osnovu kašnjenja u izvođenju radova, po pojedinim ugovorima iz 2019. godine, primjenjena je ugovorna kazna, odnosno obračunati su penali shodno broju dana kašnjenja. U ukupnom iznosu, obračunati penali po ugovorima iz 2019. godine iznose 11.191,34 KM, a odnose se na sljedeće ugovore:

- Sanacija mosta u naselju Talami;
- Rekonstrukcija puta Seoci-Živkovići;
- Asfaltiranje dijela Lisačke ulice sa pripadajućim priključnim krakima;
- Izvođenje radova na rekonstrukciji puta kroz Gornje Smajiće;
- Sanacija saobraćajnice sa izgradnjom potpornog zida u Orahovici.

U okviru rekonstrukcije i investicionog održavanja cestovne mreže, u 2019. godini utrošena su sredstva u ukupnom iznosu od 2.974.164,18 KM, a asfaltirano je preko 14 km cestovne mreže.

### III PROJEKTI KOJI SU (SU)FINANSIRANI OD STRANE VIŠIH NIVOVA VLASTI

U 2019. godini nastavljena je i realizacija Ugovora o izvođenju radova zaključenih u okviru realizacije Projekta "Sanacija klizišta, putne infrastrukture i riječnih korita u slivu Babine rijeke", koji su u cijelosti ili djelimično finansirani sredstvima Fonda za zaštitu okoliša FBiH, a isti su prikazani u narednoj Tabeli broj 3:

*Tabela broj 3*

R.br.	Projekat	Vrijednost ugovora	Budžet Grada Zenica	Fond za zaštitu okoliša FBiH	Realizacija u 2019.god (Budžet Grada)	Status projekta
1	Izgradnja mosta preko Babine rijeke u naselju Kasapovići I faza	127.176,28	36.038,26	91.138,02	35.770,32	Realizovan
	Izgradnja mosta preko Babine rijeke u naselju Kasapovići II faza	58.926,69	58.926,69	-	48.854,00	Nije završen u 2019. god.
2	Izgradnja mosta preko Sebujske rijeke za naselje Drugavci	128.192,01	89.834,33	38.357,68	73.938,32	Nije završen u 2019. god.
3	Sanacija propusta preko Selačke rijeke u naselju Zahići	14.077,35	-	14.077,35	1.406,88	Realizovan
4	Sanacija lokalne ceste sa izgradnjom potpornog zida u naselju Zahići	100.300,93	-	100.300,93	6.688,24	Realizovan
					<b>Σ=166.657,76</b>	

U nastavku su date fotografije i kratak opis projekata prikazanih u Tabeli broj 3.

### *1. Izgradnja mosta preko Babine rijeke u naselju Kasapovići*

Izgradnja mosta se realizovala u dvije faze.

I faza je realizovana u ukupnoj vrijednosti od 127.176,28 KM, od čega je Fond za zaštitu okoliša FBiH obezbijedio sredstva u iznosu od 91.138,02 KM a Grad Zenica 36.038,26 KM. Od toga su u 2019. godini realizovani radovi u vrijednosti od 25.587,91 KM, čime je i okončana I faza.

Nakon toga je započela i II faza realizacije projekta u vrijednosti od 58.926,69 KM. Grad Zenica u cijelosti obezbjeđuje sredstva za realizaciju II faze. U 2019. godini realizovani su radovi u ukupnom iznosu od 48.854,00 KM.



*Izgradnja mosta preko Babine rijeke u naselju Kasapovići*

### *2. Izgradnja mosta preko Sebujske rijeke za naselje Drugavci*


U toku 2019. godine preduzeće „Špic-beton“ d.o.o Zenica pristupilo je završnim radovima na izgradnji mosta preko Sebujske rijeke koji uključuju i polaganje asfalta na pristupnoj saobraćajnici u dužini od 105 metara. U okviru izgradnje mosta izgrađena su dva nova obalna stuba, nova metalna konstrukcija, hidroizolacija, kao i zaštitna ograda.



*Izgradnja mosta preko Sebujske rijeke za naselje Drugavci*

### *3. Sanacija propusta preko Selačke rijeke u naselju Zahići*

Vrijednost Ugovora o izvođenju radova iznosila je 14.077,35 KM i isti je finansiran sredstvima Fonda za zaštitu okoliša FBiH. U 2019. godini realizovani su radovi u iznosu od 1.406,88 KM, čime je Ugovor o izvođenju radova u cijelosti realizovan.



*Sanacija propusta preko Selačke rijeke u naselju Zahići*

#### 4. Sanacija puta sa izgradnjom potpornog zida u naselju Zahići

U toku 2019. godine završeni su radovi na sanaciji lokalnog puta sa izgradnjom potpornog zida u naselju Zahići. Ugovor vrijedan 100.300,93 KM sa PDV-om implementirao je konzorcij „TKM“ i „Tehnopromet“. Ugovor je u cijelosti finansiran sredstvima Fonda za zaštitu okoliša FBiH, od čega je u 2019. godini plaćeno 6.688,24 KM. Po osnovu ovog Ugovora primijenjena je i ugovorna kazna, odnosno obračunati su penali na ime kašnjenja u izvođenju radova.



*Sanacija puta sa izgradnjom potpornog zida u naselju Zahići*

Ugovorom o dodjeli finansijskih sredstava na ime realizacije Projekta “Sanacija klizišta, putne infrastrukture i riječnih korita u slivu Babine rijeke”, Gradu Zenica dodijeljena su sredstva u ukupnom iznosu od 350.000,00 KM, od čega je u 2019. godini utrošeno 153.912,63 KM, dok su sredstva u iznosu od 191.008,43 KM utrošena ranije, u toku 2018. godine

Također je izvršen povrat neutrošenih sredstava u iznosu od 5.078,94 KM, čime su okončane aktivnosti na realizaciji samog Ugovora o dodjeli finansijskih sredstava na ime realizacije Projekta “Sanacija klizišta, putne infrastrukture i riječnih korita u slivu Babine rijeke”



GRADONAČELNIKA

Helvida Sabira, dipl.ing.grad.